

M220P: Prüler Steinbuch (M1)

- 82v,13 DE XII . LAPIDIBVS .
 82v,14 Iaspis colore uiridis . Saphirus specie- habet celesti trono
 82v,15 simil- . Calcedonius pallida- ignis habet effigie- .
 82v,16 Smaragdus uirens nimiu- . Sardonyx c-stans tricoloris .
 82v,17 Sardius e- puniceus . cuius color sanguineus . Crisolitus
 82v,18 auricolor . Berillus limphaticus . ut sol in aqua limpidus .
 82v,19 Topacius uirore rubet crisio et aspectu etherio .
 82v,20 Crisoprasus purpureus auricolaris aut flammeus .
 82v,21 Iacinctus ceruleus . uirore mediocris . Amatistus colore
 82v,22 uiolaceus . Flammæ emittit aureas . Hi p-tiosi
 82v,23 lapides carnales sign- homines . celorum e- uarietas .
 82v,24 uirtutu- multiplicitas . Iaspis multu- ualet .
 82v,25 ad fluxu- sanguinis . si i-ponit uino . et h- bib-it ualet .
 82v,26 Ob daz wib daz getrinchet da der selbo stein in geworfen
 82v,27 wirdet . is si nicht maget ovf ir wize nezet . ist daz
- 83r,1 si magat ist iz ne wirret ir niet . Ob du diu plater da du
 83r,2 wanist daz iz daz freislich sie . mit dem selben steine .
 83r,3 beriziz iz zeget . Er ist och gut wider die saligen suht .
 83r,4 ob er den uuin trinchet . da der stein in liget .
 83r,5 Er ist och gut dem . der daz starche viber hat . ob er dar
 83r,6 abe trinchet . Er ist gut den wiben di des chindes
 83r,7 genesen sol . ob si danne getrinchet . oder uber den nabel
 83r,8 gebintet . Er ist gut de- gahes an den ovgen we wirdet .
 83r,9 ob er sich drie morgen da mit gesegenet i- no-i-e p . et f . et s . s .
 83r,10 Er ist guovt fur aller slahte wrmbaize . ob du in dar an gelegist
 83r,11 da iz gehechet sie daz eiter verit uz der wunden . Er ist
 83r,12 ohc guovt de- da uergeben wirt . ob er der cheruelen sohc trinchet .
 83r,13 da der selbe stein inne liget er spibet daz aiter sa . Er ist
 83r,14 och guovt des daz er daz pluot verstrettet . daz uz der wunden
 83r,15 oder den nasen fluzzet . ob er dar ane gebunten wirdet .
 83r,16 Swelech wib diu den stain hat an de- uingir daz er die
 83r,17 hut da durch ruret . si wirt niet swanger . Er ist och gut
 83r,18 de- miselensuthtegen . ob er in alzen treiht samit imo .
 83r,19 Iacincti der sint trie slaht . einir ist rot . unte gruzelot .
 83r,20 der ist och aller staine tiurost . dize ist sin natura . Ob er in
 83r,21 daz fiur geworfen werde . so man ie mere zuo blaset . so er
 83r,22 ie roter wirdet . ist ieht suarzes dar ane . daz prennet daz

- 83r,23 fiur ovz . unte wirt luter . Der ander slahte iechant .
83r,24 der haizet cytrinvs . der dolt nieth daz fiur . Der drite slath
83r,25 iechant . deir heizit venetus . der dolt daz fiur . furnams
83r,26 nieht . Der rot iochant . ist guot de- daz plut wirret .
83r,27 Er ist guot de- der in ein wrmegez lant vert .
- 83v,1 daz ungesunt ist . ob er in mitt imi hat
83v,2 Smaragdus der ist grovne . unte ist den sichen ovgen govt .
83v,3 ob in der siche trage . so er in offer ane sihet . so er ie baz
83v,4 sihet . vnte werde-t imo luter . dar abe .
83v,5 Saphirus der ist lazuoruar . unte ist de- govt der daz vel unte
83v,6 cinche in demo ovgen hat .
83v,7 Onichinus der ist govt puluerot . vvr den grint . des mennischen .
83v,8 vnte uur die masen . vnte uur die zaihere der
83v,9 ovgen . Topazius ist govt . taz er chalt machet daz walle-t
83v,10 wazzer . unte ist de- govt der in treit . wr di firgist . des
83v,11 aitters . vnte ist goltuar .
83v,12 Crisolitvs ist govt . vnte ist sihtfare . sver in treit . der
83v,13 wirdet geminnet vone friuten ioch von vianten .
83v,14 Berillus der ist vare same div sunna in daz wazzer scienet
83v,15 ist govt sver in treit des rede ist lobesam i- allen dingen in stihent
83v,16 die tiphele . Sardonix ist prvnirot . ist govt den tifilsuhtegen .
83v,17 Sardius ist tunchilrot . scinit nahtes . ist
83v,18 govt der in treit uor di uallensuht .
83v,19 Crisoprasvs ist purpuruar der in treit er ist z er uerlte rihselich .
83v,20 sihet in sin uihant . an im . er minnet in sa ze stunte .
83v,21 Ametistus der ist tuncheluarwere denne purpurwarwe .
83v,22 er machet . rurtranch der in gepulueret . der in
83v,23 treit . der wirt geminnet uon den edelen urowen .
83v,24 unte wirdet fersmahet von den diuwen .